

反石齋集



92650

我意趨虞城



多口齋詩集

卷之十  
雜詩  
蘇軾詩集卷之十  
蘇軾詩集卷之十

蘇軾詩集卷之十

友石齋詩集序

從兄古民先生幼嗜吟咏自兩漢作者以至南北宋遞嬗於今總集別集皆能審其宗派端厥趨向而所自作亦積以多維時余兄小垞棗仲皆列書畫舫吟社中詩成共相質證壘筮相酬有甚樂者余少於兄十歲茫無所知往往效習吟諷聲以爲嬉笑其時朋好唱酬則有若曹曹村魏滋伯輩亦不一人他郡人士如鄔雪舫姚梅伯董霞樵郵筒往來迄無虛日至中年以後緣事游歷江南北得山水之助辭益宏肆嘗請質於郭祥伯楊子堅先生二公詩壇耆碩於兄亦交相得也前後所存草槁甚夥曾言爲蝨蝕友石齋詩集

序

一

數巨冊不復再能記憶所存僅此從子驂麟雲麟孫爾夔輩重校付刊藉考數十載事迹亦以見先友之梗概屬爲序之余衰遲晚晚坐廢居諸無可表見披讀兄詩迴憶童年彌自覺其黯然已弟學治敘

皇清誥授朝議大夫晉中憲大夫仁和高君墓誌銘

昔余綰綬武林投分邦彥出者申甫處者顧廚靡不攬文藻以被湖山流德潤以澤鄉里洎乎喪亂喟然典型乃數碩果於剝餘緬靈光於劫後滂仁曠義休風再敦述學紹聞茂矩斯遠如仁和高君者蓋其鮮矣君諱錫恩字古民宋武烈王瓊後也太傅忠節公世則扈蹕南渡始家越中從臣遷洛載駢旄之盟名族過江列烏衣之巷曾祖士楨自越徙杭祖崇文父鳳輝三代並 贈通奉大夫君襲清白之芬秉醴粹之性沈默而寡於嗜練深以淬其學少工韻語祭酒吳穀人先生一見器之文舉入座先蒙小友之

友石齋詩集

墓誌銘

二

呼君游在髫已負聖童之目以例貢成均屢應秋試七薦不售意豁如也未恢素士之業益發名山之藏博覽方輿苟及水利凡夫扶風地志太史河渠九域十道之殊三江五湖之辨罔不臚分建革精究委輸恥督儒之叩槃誠前哲之鑿空雖北馬南船未涉萬里而左圖右史已畢千古至其神志所耽尤於聲詩獨契鍊心爲冶則六代取鎔窺祕得局則百家盡闢有握珠抱玉之奇無是丹非素之陋一時勝流如鄔雪舫郭頻伽屠琴鳴諸君相與馳驅煙墨揚摧篇翰所箸友石齋集每變益上識者稱焉家故素封世有長德先是君父通奉公嘗購隙地數百畝創置存仁

場瘞所義聲高於列郡懿績書於大府君復以助賑助饑  
克纘克承其後粵寇之亂都邑邱墟人士波逆而君閒關  
奉母不及仲魚之殃慷慨毀家獨紆於菟之難匪曰人事  
抑有天道逮余初領郡符與籌善後洽片語於三生輪萬  
金於一諾余視偉君雖叔向之遇然明公瑾之奇子敬不  
是過也晚節優游端居嘯傲仿洛中耆英之社故老猶存  
讀楚國先賢之傳風流可想日月不居奄就怛化嗚呼哀  
哉君棲心淵曠處物宏恕塵襟罕嬰其胷臧否不假於口  
樹善之則勤采菽於中原勸學之規期式穀於後裔可謂  
邦之遺獻今之古人者矣生於嘉慶九年十月初五日卒

友石齋詩集

墓誌銘

三

於同治八年五月十五日春秋六十有六得官同知加道  
銜晉中憲大夫初娶趙恭人無出繼娶關恭人並毓粹中  
閨蜚聲彤管蹈幽閒於嬪則揚令淑於壺儀子三長炳麟  
候選復設訓導早卒次驂麟試用訓導雲麟舉人女一適  
諸生許之淦孫男三爾夔炳麟出爾伊爾傳雲麟出孫女  
三驂麟昆季余郡試時所拔士也喜二龍之並驚詎雙鳳  
之不識庭誥克延孝思不匱以同治九年七月二十八日  
葬君於西湖中峯之藕花居奉兩恭人祔焉以余雅知君  
者書來乞銘嗚呼黃壚愴舊元石輝今徐孺子之哀悰愧  
無一東陳仲弓之穆行宜有兩碑銘曰

文富於筭考德則貧行美於鄉吐言則陳君也兼擅抱慙  
懷珍圭璋其質黼繡其身竹虛有節蘭芳無言遁奇不曜  
以老邱園善積來葉慶流後昆我銘納幽清徽永存

賜進士出身

誥授中憲大夫署浙江糧儲道前杭州府知府加三級通  
家愚弟辭時兩撰文

友石齋詩集

墓誌銘

四

友石齋詩集

高評中憲大夫署浙江糧儲道前杭州府知府加三級通  
家愚弟辭時兩撰文

友石齋詩集  
高評中憲大夫署浙江糧儲道前杭州府知府加三級通  
家愚弟辭時兩撰文

清故中憲大夫道銜候選府同知高先生行狀

會祖士楨 皇贈通奉大夫四品銜內閣中書

祖崇文 皇贈通奉大夫四品銜內閣中書

父鳳墀 誥授中憲大夫候選道仁和縣貢生

浙江杭州府仁和縣雙陳銜高錫恩年六十六狀

先生原名學瀄咸豐六年後改今名字古民高氏世居山陰前梅里會祖士楨始遷杭州士楨長子宗元創建杭州普濟堂號善士家世素封好施予醫藥棺匱寒衣歲有惠也己是負鄉里望至先生父中憲公益任卹不劬先生幼卽劬學長益肆力經史於世泊然無營淵原師友有名聲

友石齋詩集

行狀

五

于時己例貢生應鄉舉七薦不上弟應舉文字古澹不偶時俗終己不遇屢助軍糈議敘候選府同知加道銜先生博習于古尤軫正史成誦如翻水世事溫溫無所試顧獨居講求河漕水利輿地之學究極本末每衣冠盛集坐客論議颯舉先生默不一送難暇乃爲子弟析其是非其沈潛如此性好詩歌入書肆輒捆載古今人詩集歸坐一室丹黃點勘從橫滿席洞燭正變不喜近世門戶之見與夫斤斤唐宋之論議獨操正聲己煥雅爲用而植體忠孝己撥弃世事也一意于詩所作富至數千篇又慎不示人非夙與文字酬唱并不知爲詩人也先生素溫厚家庭無疾

言遽色僅奴治事不謹徐喻以理不忍呵譴孝爻于家門  
外無閒言中歲遭中憲公器哀慕猶孺子色中憲公存日  
家事不呂屬先生得專力讀書旣終喪先生始庀家政一  
呂慈儉爲則而益之寬和客升其堂子姓愉愉臧獲亦豐  
然有自得之色絕不聞詬誶聲者數十年如一日先生有  
才子曰炳麟字昭伯絕慧治經能綜後先諸儒說得要領  
爲文渾渾入古甫冠銳乎有不朽之志顧體弱目又眚自  
恨也呂爲不足用世則治釋氏書靈悟乃入荒渺遂病病  
時哀樂無倫緒馴至飢寒皆與人人異先生百方藥之終  
不瘳呂同治四年卒於越中先生樂交游一善稱之不去

友石齋詩集

行狀

六

口自少至老所遇文學士蔑不傾衿款接談藪極歡先生  
之姑歸錢唐胡書農學士最契先生爲詩推許甚至吳江  
郭頻伽山陰鄔雪舫錢唐張仲雅賢而有文負知人鑒皆  
樂就先生定交相得也咸豐甲寅乙卯閒獻奉二十餘同  
志吳懷珍輩八九人聯鳴秋之社呂道義相劇切每集皆  
記呂詩文昭伯猶未病與羣從望曾字茶盦傳錦字子容  
者皆在先生輒引後進密坐燕語若折行輩與論交者咸  
豐十年十一年杭州再被寇先生避地會稽一季遷上海  
兩年亂定遂巡歸故居一時耆舊有吳督部振斌許撫部  
乃釗諸公宦成家居慕古香山洛下之會與張中書應昌

已下有九老之游先生與焉諸老皆耆碩鄉黨崇其學行  
春秋佳日一觴一咏可以照耀山水增成故實先生次子  
驂麟嘗受知督學泰興吳公知杭州府全椒薛公讀有用  
書爲名士季子雲麟亦勤稽古有文行同治六年舉於鄉  
自昭伯之外人咸爲先生惜今茲二子競爽家學益昌先  
生自奉約縈繩牀布衣雖寒士不異中年喪偶無姬侍  
斗室蕭然書一卷酒一杯而已善飲酒百榼不成醉年逾  
六十神明不衰步履如少壯惟比年飲酒少減疇昔同治  
七年夏頭風作醫呂爲久飲溼熱沈絛遂劇疾旣甚猶枕  
書數吟不輟八年五月卒年六十六計先生生平文字外  
友石齋詩集

行狀

七

無聲色紈綺之好雖流離憂患未嘗一日去書可謂學道  
君子矣箸友石齋集若干卷娶趙氏封恭人繼娶關氏封  
恭人生三子炳麟仁和附貢生候選訓導前卒驂麟仁和  
廩貢生試用訓導雲麟同治丁卯竝補行甲子科舉人女  
一歸杭府學生許之淦孫爾夔炳麟出爾伊爾傳雲麟出  
年家子譚獻謹狀

友石齋詩集目錄

卷一 詩八十首

卷二 詩八十九首

卷三 詩百十二首

卷四 詩三十九首

卷五 詩七十九首

卷六 詩八十一首

卷七 詩五十七首

卷八 詩六十七首

附我齋遺藁

友石齋詩集 目錄

卷上 文七首

卷下 詩八十二首 詞四首

友石齋詩集卷一

仁和高錫恩古民

悲歌行

悲風何來吾不知但覺蕭條曠野白日之可悲烏雅畫衝  
祭墓肉狐狸夜寢陳人尸白楊纍纍夾道樹華表峩峩排  
石戶不知何代公與侯塵封一例無今古吁嗟乎猛夫作  
健真英雄仙才落筆驚天公紅顏自昔妙歌舞青山埋骨  
俱長終況乎俗士所矜詡春光轉眼成秋風好花墮地不  
再上一聲薤露悲無窮莫言華屋不可恃更恐佳城有時  
圯上有苦雨之淋野火之燒下有掘地之狼穴冢之蟻吁  
友石齋詩集卷一

嗟兮獻歎

秋暮送客

秋氣入天地萬物盡悽惻朋居盡寡歡況當分袂日臨觴  
不能御坐起頻歎息布帆一以張川路去安極離心似流  
水早與帆俱北

悼亡十首

可憐一片團欒月眼底分明墮半規埋恨急呼天作惡拭  
嗚難禁鬼含悲佛前代懺今生慧夢後還成永夜癡欲語  
幾番先哽咽捫心歷歷總堪追

西望瑤池撒手歸去從來處是邪非

君初生時母夢瑤池霞衣女入懷年

華總爲聰明誤德性能如貞靜稀愧我寒鴉成獨影與君  
彩鳳不雙飛他生有約尤腸斷願似春潮信莫違

溯到房帷少俗緣綠窗弄筆鬪嬋娟吟餘人影蘭猶在聽

斷蟬聲樹亦憐人影紅蘭瘦蟬聲碧樹秋君吟句也琴鶴家風清勝鶴雲仙

姿態化應仙青青孤竹生何味贏得相思滿眼前

哀情最是憶春回吹墮琪花付劫灰不信仙桃難種度柰

他芳草竟根摧明珠奪月胎先碎嫩玉消肌豎作災惆悵

蘭衾新病起打窗落葉傷人來宜人去春產後得疾至九月方瘳

六月新瞻照戶明似知永別不勝情頗因弟弱愁邪老轉

爲年高替母驚宜人於六月間歸甯至中秋後返語別家人頗似永訣人訝其不祥從此日

友石齋詩集

卷一

二

歸無後會最思愛好是平生膏肓隔歲終難療午夜空餘

藥枕擎

虛憑巫卜禱蒼穹惜到華年計已窮一夜寒霜催屋角宜

破於九月二十二日驟寒三更飛鵬下庭中破前有異鳥停屋久鳴不去竟拚

泉壤壽身後強慰高堂諱命終瞑目纔聞悽絕語再憑來

世事姑翁

寒蛩幽咽泣階墀黃菊如人竟萎籬喧客轉勞憐奉倩嘗

齋今只賸王維何緣遺挂偏含笑且檢餘衣待布施擬乞

返魂香一炷仙山不見更堪疑

記逢巧夕倚銀屏瓜果筵前笑兩星暫會尙教愁碧漢此

生幸不住青冥豈知塵世三生促那及仙緣萬古靈料得天孫還歎我人閒天上隔重局

夜臺何處覓羊腸苦憶終天淚萬行烏鳥哀多空汲汲黃泉境杳自茫茫翻教薤露今宵詠好侍萱幃下地長寸草

有心卿代我慟餘會爲爇鑪香

先慈華太恭人逝時恩纔九歲

虛幃顧影總傷神舊事遙憐已往身伴我漏殘聲聽永泥

君篝冷火添頻蘭枯雙蕊心都死詩牘單吟句易陳五載

塵緣彈指過欲從蓮界問根因

### 三女堆

堆爲吳大帝第三女魯育公主之墓在長安鎮覺

### 友石齋詩集

卷一

三

王寺後按吳志主以姊魯班譖爲孫峻所殺埋於

石子岡歸命侯時改葬斯殆其改葬之墓

大虎爭獍小虎死石子岡邊身已矣朱棺黑夜起幽魂

主顯

形事見搜神記卜隴重阡葬於此數千年來堆尙在宰木陰陰長

不壞校尉何人敢摸金靈光不滅還餘怪

海昌外志載三女堆嘗有怪明

萬曆中歲饑盜發無所得禪燈隱隱風蕭蕭閒聽鐘聲伴寂寥每逢月

冷霜淒夕尙有當年恨未消當年全主青蠅急

魯班後適全綜故志

稱全畢竟讒言能奪嫡

按吳志主以不附廢太子之謀爲班譖死又按王夫人太子和皆爲

魯班不信英雄孫仲謀治家如此真無策

史譏孫權閨庭錯亂故琳

故峻皆賊臣

孫休恥與琳峻同族稱之曰故琳故峻

擅權害國難具陳一朝

琳殺峻亦戮平生怨氣應差伸

孫休殺孫琳後發孫峻棺以殺魯育等故也

累更憐遺二子地下讎難忘阿姊

按吳志主初適朱據後適劉纂據二子熊損皆

為魯班諧死

回首喬家姊妹雙江東自是無人比吁嗟乎璧圓

鏡破供疑誚

志載主適劉纂而劉纂無被株連事且志載仍稱朱主有可疑者

弟呼作婿

尤堪笑

公主女適弟孫休為后

紛譌往事不須論一堆衰草悲殘照

呈馬秋藥太常 履泰

岳靈先生交最契與先生兄致遠文交尤契恩

神醫過致遠丈令嗣桂山室得晤先生賦呈

北闕書朝上西湖夕竟還雲山供著述風月自蕭閒花外

兒扶杖樽前酒借顏藥苗秋徑裏還擬叩松關

友石齋詩集 卷一

四

浪井由福山渡江

潮來遙自海門東潮勢蒼茫接太空浪影忽搖天改白日

輪倒浸海全紅山光兩點將離岸帆影千竿各趁風陡覺

征塗是江北車輪歷碌夕陽中

登狼山塔放歌

怒潮日向山根薄黃雲夜傍巖腰落青紅蜃氣變朝昏龍

魚欲起時一躍狼山高矗滄海邊控扼海道山有權雄觀

自足甲江北峻勢直欲摩蒼天陂陀磴級互縈帶殘碑斷

蘚相鉤連我來一徑升山頂飛鳥殘霞時露影岩堯傑塔

立雲霄登覽俄教心目騁但見黃泥馬鞍居其右軍山劍

山爲左肘茲山獨立峙中央相將拱北巖關守

山麓有額曰五山拱

此外更無嵐光環惟餘水天一色波濤激盪如奔走有

時洵洵浪掀天舵師失色中流一墮將誰咎信乎有神主

之非曰偶回頭向南望一點青朦朧知是福山影山遠畫

不濃北指州城如井小戶牖蜂房看了了沙田萬頃類掌

平雜種來牟曬鱸羹安得上表通天臺玉皇詔下羣神來

夸娥負巨靈陪鞭木石助雲雷添移奇峰至此地與山並

列爭崔巍保障不更雄江隈不然驅之入海去仙境三山

同一處員嶠方壺位置齊使我亦得蓬萊棲放懷不覺心

魂飛夕陽已落江之涓舉首惟聞塔鈴語薄暮便擬凌空

卷一

五

歸

遊穹窿靈巖歸各紀一詩

穹窿神仙居林壑無定色珠璣夾道飛琅玕半空出玉清

無上境匪獨茅君宅載花儻朝元塵世應不識

穹窿

美人去不返青山仍似舊響屨有遺廊履迹苔痕繡湖波

盪日光石乳垂巖竇歎息霸圖空鐘聲出林岫

靈巖

遊天平山謁范祠口占

萬石參天處叢祠拜直臣今無窮塞主憂樂更何人

登穹窿山頂作

東吳作鎮尊穹窿山高日夜摩蒼穹拔地峻立三千仞中

有神宰專其雄我來一徑行雲路

山麓有亭額曰直上雲霄

流泉飛落

山根樹長松夾道蔽晝陰雨氣侵人時作霧肩輿直至琳宮前道人綠鬢如童顏引我周視啟諸殿丹楹碧宇何紛然我能登高如插翅山頂重尋煉丹地水天一色敞湖光足舉恍疑身欲墜洞庭低首不敢昂七十二峰隱現波中央髣髴赤松子空中招我同翱翔我欲往從之愧非張子房又疑三茅君鸞輶鶴馭來相望禮斗印膝事已渺只餘泉水流泱泱始知仙人往矣不可覩疑猜形迹皆愚盲嗟予五岳未遊一流連坐惜天將夕平生意氣凌日月更比此山稱嶄絕

友石齋詩集

卷一

六

舟過新市有懷沈梅村先生

赤然

東陽詩老曾居此五硯齋今入詠樓我向趨庭熟清境桐

陰水閣月如鉤

家大人七歲時會居先生宅半年常爲思言水閣之勝

又冷泉亭晚坐次魏滋伯

謙升韻

寒泉催日落急籟一時生萬樹暝無色孤亭坐最清危峰

沈水影古洞出猿聲獨有蕭閒客微吟待月明

殘菊同滋伯作

山更重潭水天一色增幽光

陶公初去客已醉未眠時籬畔還獨往餘芳賸幾枝疏如

衰士鬢淡稱古人詩一樣南山秀悠然歲暮姿

楊小山

鞋屬題便面

遠峰列千蛾近谿無一艇眠鷗忽飛起凌亂青山影

驟雨次曹曹村

德馨韻

怒風陡起雲蟠虬女媧石破倒玉溝黃河遠白日邊落冷  
泉挂向檐端流行客盡止鼎折足低屋忽漏珠打頭天公  
一日分二氣午時作夏黃昏秋

夏閨四首同沈子棐

兆霖作

榴花開徧妬裙紅長日妝臺罷繡工午簾墮釵眠起浪曉  
窗臨鏡坐當風簪支不似春前瘦脂粉都教汗態融一幅  
水精簾辟暑照他心地共玲瓏

幾度沈香手自燒不嫌熱意太相撩藕絲滑繫金條脫螢  
友石齋詩集

卷一

七

火明黏玉步搖豔女芙蓉誇一色侍兒茉莉插雙髻可人  
最是清池畔羨殺鴛鴦尾對翹

蘭湯浴罷晚風長約伴園亭共納涼扇蝶有情描舊影鬢  
蟬無語試新妝輕綃隱霧疑仙子圓露和珠鬪夜光不減  
浮沈瓜李興還將消渴問檀郎

塘外輕雷隱隱過今宵雨後得涼多青奴伴我邀黃嬾白  
鳥窺卿入碧羅幃商量牽玉虎牀頭容易解金詞笑他  
牛女無聊賴未到秋來尙隔河

六十四卦銅瓶歌爲滋伯作

金精燦燦生奇光天地納入壺中藏鴻濛奧旨盡在是尺

膽供處鬼膽亡粵自伏羲一去妙晝隱靈龜難覓書茫茫  
寶物何年墮塵世使我忽覩神飛揚卦圖八八盡環列中  
有神異不可量銅花燦爛紋青黃紫痕飛舞蛟龍翔摩挲  
髣髴見太古如鼎在周盤陳商偶於夜半窺中堂清颯拂  
拂生其旁神聖欲下羣相望恍憶仙人太乙鑪中初鑄出  
異風離火交騰驪乾坤百鍊永不毀六經首此真文章宜  
配周宣之石鼓四百餘字紛成行或並師曠之古鏡二十  
八宿皆含芒金錢卜處誰焚香漫慮引緝占羸傷仰孟震  
象未許獨插花坎水還相將羨君三才學貫明陰陽更教  
滴露伴讀當書牀翻啗揚雄觀瓶未覩此枉參太元易理

友石齋詩集

卷一

八

誇精詳

送汪嘯菴孝廉

元方北上

京國三千里看君策馬行故人此分手落日隔重城北去  
帆稀影南來雁失聲天寒孤旅夕定合夢鄉程

觀梅

限銚水僧三字韻

屋角疏星冷似銚紙窗新樣亦成冰

近多用水梅紋紙糊窗

一枝籬

落側臨水學作天寒問渡僧

古寺橫斜照佛銚不辭風雪臥寒冰空山此日禪心定香

動還疑破戒僧

放鷓篇

春城三月草芊絳鈴聲清脆微風天金籠處處飛插羽我亦放鴿山之巔雪衣欲上先盤繞翼影漸高看漸小下視全憑眼力高身輕容易防鷹爪前年作客去長安千里關山行路難賴有飛奴傳信捷家書寄得旅人看於今人唱還鄉曲參養終年恣嬉逐不向波斯舶上停慣教觀察庭前宿鴿兮鴿兮慎所遊五陵公子時相留如花易惹佳人妬切莫雙飛過畫樓

春陰曲

管弦隔院無聲送冷煙低壓花枝重美人幾度懊儂情朝梳不整釵頭鳳洞房屈曲春淒迷軟風力薄沈游絲微寒友石齋詩集卷一  
九  
殢人如中酒曠他侍婢薰香遲

秋陰曲

羅雲散作濃陰護木樨香透涼風度紈扇淒淒動別愁篋中自識情非故空庭半晌凝斜陽水邊蕭瑟羅衣裳美人不語心惻惻芙蓉猶得幾時芳

秋思

愁思滿如月繁憂紛似星捫心憐往事低首誦殘經食少詩多瘦春歸酒易醒孤鐙不解意猶放喜花青

獨酌謠

人生忽忽不稱意出門兀兀安所之手持一瓢酒欲酌無

相知歸來獨坐西窗下茅屋蕭疏雨灑瓦老樹依人俯瞰  
杯似與我相酬酢者

哭趙晉子先生二十韻

聽說先生逝空餘弟子悲淚添滄海闊情與碧波隨善士  
今無則才人失所師越吳齊慟哭童冠盡漣洏記向春風  
坐難忘講帳披循循多古意娓娓聽規詞書史商量處鏡  
藥側侍時談深僮屢倦神契月先知望我登雲路乘秋折  
桂枝恩十三歲童子試不售  
時先生命余納監鄉試豈知泉石性無分廟堂姿面  
丈雖稍遠中心正切思如何違杖履不復覩容儀家本傳  
寒素人偏好舍施創緣鳩義舉助族得飢炊大雅真無匹

友石齋詩集

卷一

十

純儒更有誰斯文嗟墜矣吾學竟何之哀輓餘篇翰悽涼  
見墓碑守門猶舊僕應客臘孤兒地下睽千里靈前奠一  
厄心喪終此世築室未應遲

金沙港古桂歌

吳剛夜入姮娥窟兔杵無聲擣瓊液星精斫取一枝寒千  
年擲傍湖邊石此木一自來湖濱影搖湖水波鱗鱗開花  
欲洩太古氣采藥常有仙人行深根蟠土不知歲一根四  
幹逞狡獪兩幹東飛矯似龍泰山鳳雀時來至其餘二幹  
殊偃蹇古貌婆娑皮繞蘚縱教八樹說神經欲求奇態如  
斯鮮玉犀億斛誰量度金粟平堆不知數高仰依然天外

攀餘香盡入雲中去城中怪底芳情少涼颺都聚梢頭好  
厯徧人閒萬萬秋港沙一色堪同寶我今浥露來非遲聊  
爲此桂輿長思不入靈和爲殿柱不與王母栽瑤池愛此  
明湖山一角甘與牧童樵豎同娛嬉成陰未肯比梧竹劉錫桂詩日晚陰成比梧竹能鳴且喜逢清時春秋潛潭巴宮桂鳴下土譜侯號有聲君不見靈鷲峰頭子初落與此相連影交錯清芬十里滿西山  
來者宜歌招隱曲

詠白牡丹

能於淡處見繁華纔是人閒第一花貴介居然忘結習紅  
情此夕落誰家恰逢國色醒難醉喜得春光靜不譁脂粉

友石齋詩集卷一

十一

埽除顏愈好畫樓東畔玉闌遮

列徧瓊釵十二行依然本色住華堂福濃合要清才領春  
好偏宜冷眼望擬作素玉先贈字來從瑤島倍生香雲牋  
更乞清平調白也還歌白雪草

越垞伯父口占白牡丹一律見示卽步原韻奉呈

休將粉雪泥芳名

臨芳殿牡丹有雪夫人粉奴香等名

照眼瓊姿分外明豔

極始知情轉淡色空豈有恨難平夢回月地香何處想到  
雲衣態更輕最是玉堂詩格好定教傳徧洛陽城

原作

不容姚魏擅佳名玉立亭亭眼忽明大富貴能知儉

樸最繁華卻愛清平臙脂解畫終嫌俗錦繡爭誇也  
自輕讓與素心人獨賞漫勞冠蓋訪傾城

書齋八詠

筆牀

未肯輕提爲俗忙天交寸管不尋常千秋獨占宜高枕一  
夢相尋憶舊牀小憩每從吟苦見替眠或恐夜深忘右軍  
更有揮豪興筆筆都成虎臥章

墨牀

問鄉真合黑甜名一枕煙霞古性情心血屢磨神易倦塵  
緣無染睡能清似屏常愛留香在此榻惟宜與石盟自有

友石齋詩集

卷一

十一

紫雲盤鬱鬱不須白玉訪蓬瀛

神仙傳紫雲鬱鬱白玉爲牀

琴囊

此生古調向誰彈坐撫空囊竟夕歎但解心傾知韻易若  
徒皮相識音難身當龔俗先甘隱世遇高山只愛看綠綺  
消沈中散絕虛名留得一錢安

劍囊

青龍飛去未曾回舊影猶存且引杯不露奇鋒空壯志能  
容神物亦雄才炎天氣尙三秋肅昏壁光疑一綫開夜半  
有聲驚舊夢中庭裏得嚮體來

硯匣

摩挲鵝眼紫花斑什襲珍逾碧玉環小貯不妨同韞櫝深  
藏原自在名山能甘貞守知君介未許磨穿笑我慳筆陣  
縱橫何處覓城池今已築重關筆陣說水硯  
者城池也

鏡匣

伊人難訪水盈盈到眼風神寫不成儘有光華偏蘊蓄怕  
教妍醜太分明藏來小襯羅囊薄擎出依然月影清最是  
雲鬟斜掩處黃昏收拾不勝情

碁盤

三尺何須苦鬪攻戰場從古總成空馬融碁賦三尺  
之局爲戰場問人

若箇知先著舉世都看在此中度按星辰天忽小界分楚

友石齋詩集

卷一

三

漢地尤雄願君局內無留戀一染機心累未終

香盤

最宜苟令共盤旋較勝盛來角牒便作供不離檀几側一  
生長伴玉鑪前蕭齋靜設人參佛曉露兼承客學仙我待  
作銘珍座右青詞歷歷盡成煙

送客

陽關欲唱淚先傾古渡蒼茫送汝行去計猛於將發箭離  
懷昏類隔朝醒難忘風雨蕭齋日爲數星霜古驛程最惱  
篙師催漿發河梁望處暮煙橫

客歲三月余在姑蘇借劉錢二君游靈巖至天平謁

文正公祠今春琅竹姊壻以游草見示爰爲繼聲  
二章

殘春曾記泛扁舟  
鬢身從畫裏游  
日落人來吳苑暮  
風寒雨爲越谿愁  
林巒到眼青容活  
波浪搖天白影流  
惆悵當年歌舞地  
鐘聲非復采蓮謳

更尋萬笏境逾雄  
林立奇峰插碧空  
祠記尙留君子澤  
山容如表直臣風  
冷雲積地千重溼  
怪石撐天一綫通  
只恐山靈笑人俗  
郵籤纔得寄詩筒

前詩草就因思游靈巖時日暮值雨俯瞰太湖殊有  
勝致惜不能久伫而返復吟二十八字以紀之

友石齋詩集

卷一

函

遠帆如葉下層波  
落白湖光正盪摩  
雨氣忽迷三萬頃  
蛟龍影裏聽漁歌

天中節後一日送琅竹之蘇州

留得菖蒲酒相邀  
餞此行雨聲催節換  
林影送帆平客近  
易爲別游多不計程  
壯懷兼古意去去闔閩城  
落日平湖闊關心波浪餘

君正月間過太湖有風波之險舟幾覆

從來險行

路奈未得安居豪氣潛虬避  
塵緣失馬如三吳風景好吟  
句莫教疏

聞夥山起蛟居民漂溺有作

夥山蛟最惡乘雨欲登天  
中夜拔潭起連村蕩戶偏民生

嗟此禍天意不知憐尸走錢江下吾聞一黯然

故鬼難尋穴桐棺逐浪流雖然成暴露終亦勝飄浮

江中浮棺

里人昇起

燐溼魂應冷潮寒怨莫收誰持周處劍爲斬惡蛟頭

### 定鄉歎

定山之南江水北貧戶連村住山側年年只恐水侵廬歲

歲驚聞波入室今年五月雨潦盈鄉人雨後來入城爲我

細言雨中事道身此日皆餘生雨中江水奔何急奔急江

流去難疾陡看泛濫起洪濤濤頭直拍山根立此時人正

夢魂中起訝房屋皆搖空雙扉欲闔不敢闔讓他白浪流

相通

鄉人云水至時門戶須盡啟否則屋立地矣

白浪滔滔來不止半日與簷

### 友石齋詩集

#### 卷一

#### 五

等高矣屋中器物盡飄沈屋頂尙餘人引跂已拚承墮龍

伯宮龜鼉飽我膏血紅邗知天意未遽絕隔縣忽潰長隄

時蕭山隄決

江波旣向隔縣注頓看水退安如故始知不許

築塘堅此鄉原爲鄰封護

按定鄉不準築石塘恐蕭山隄易決故也

吁嗟乎定

鄉之人亦何辜坐令日日憂魚乎安得良策媿兩美臨風

### 三歎徒踟躕

人曰伯子小垞招同滋伯湖上觀殘雪同用昌黎人

### 日城南登高韻

春陽氣始迴柳條色先弄巖際有餘白積雪尙含凍山容

未全展蠟屐遲客用高峰翔素鸞左右皎鶴從小艇載酒

來蓬底三人共迎年新詩呈宿冷微風送湖滄冰已泮寒  
魚時觸葑遠鐘雲際沈霽景目長縱吾生貴清淨藉此滌  
煩僊笑指老松顛暝霧歸時重  
取滌言人面向天吹  
送家小雲之楚入盧厚山制軍幕

長江萬里接風濤送客西行溯漢皋天入洞庭春浪涌樓  
飛仙鶴去翎高圍旂列戟軍門肅佐政參籌幕府勞聞說  
武昌魚最美不妨攜酒泛輕舸

樂府贈女郎秋田四首  
秋田姓張住杭之圓井巷色  
藝雙絕尤工彈詞爲一時冠  
綽約丰神畫不眞宜暝宜喜更宜顰夜窗玉柱彈銀甲十

二紅屏盡展春

卷一

六

家住吳山山畔樓井邊照影自梳頭卻嫌山翠分明甚淡  
掃螺峰作遠秋  
吳山在蘇州府城西北  
樂府能歌蓮葉篇東西魚戲葉田田芳名似葉圓無礙合  
有鴛鴦盡日眠

眼波斜溜暗通靈昵語句人仔細聽曲罷梁塵猶自舞人  
閒萬口播張星  
張星晉西晉時蜀鼻天人而與香而散  
送趙二芷香之樵李  
山樵李

秀州城外春如水秀州城裏花如綺有人慣向秀州行窈  
笠青衫短篷底春風吹人來堂堂梅花未落絲柳香粉桃  
侍吐碧蘭笑見此踟躕空斷腸鴛鴦湖畔鴛鴦遇蕩槳女

郎迎客住煙雨蒼茫望不分  
櫂入湖心最深處送君去爲  
君歌傾脂河畔春休老怕說  
秋來菱角多

同人集瑞石道院分得峰字

雲迥隔江峰江波綠漸重羽  
人棲鍊處遙聽下方鐘巖古  
矗危石潭深響蟄龍登臨同  
展眺踏徧玉芙蓉

問渠作分得風字

詩人性多曠登山覓巖窠我  
愛高子固少小習國風  
十一出應試行文氣如虹刻  
楮鄙宋人雕蟲薄揚雄  
十四卽棄去雅懷委吟筒幾  
度招我飲意豈專杯中  
游屐占晴明先期折簡通風  
雨苦無準勝景不得窮

友石齋詩集

卷一

七

歸來閉衡門覓句求其工  
梅花已飄泊芳草待鬱蔥  
作詩呈高子篇盡意未終

曹村作分得我字

高子曠世才氣猛力尤果搔  
首問古人於何位置我  
臨文思涌泉觀史眼爍火濁  
世多糝糠誰借南箕簸  
印須二三子桃茆埽么麼好  
賢爲飲食杜歌道左  
游山如嚮學循步陟屺岵一  
嘯海天寬俯視下走跛  
胥山雜詠四首

櫻桃園

宋室當年此建都山園紅燦  
樹千株筵開太廟春深薦朝

賜羣官闕下趨數寫應勞宮女指風光不入野人廚而今  
望帝魂何所血灑枝頭盡淚珠

巫山十二峰歌

楚王夢在高唐畔一時飛向錢江岸錢江峰影極崔嵬巧  
斷渾疑鬼工判朵雲十二爭玲瓏上有太古青苔封荆門  
望望在咫尺髣髴萬壑猿嗥逢猿嗥欲起聲還止回首瀟  
湘隔千里雲雨迷離眺不來賸有奇峰刺天紫之江春水  
綠如油絕類巴江作字流我有屈原詞賦筆歌成還學楚  
人謳

楊鐵崖讀書處

友石齋詩集

卷一

六

大聲劃石石欲裂吼動黑龍三尺鐵柳枝竹枝

鐵崖  
妾名

載酒

來檀槽銀管酣深杯作詩不作尋常格怪語離奇駭人魄  
老婦不嫁意分明千秋自愛讀書聲

坎卦石

頑石忽點頭讀易深山側占象利用水石火不敢出錯疑  
諸葛公八陣此其一

舉世茫茫孰真賞大樂無聲么弦響人閒是處貴鉛刀千

將縱利將焉往鳳皇麒麟天下奇深居山澤伊誰知文章  
光彩且莫惜一醉先與劉伶期

和家子循蘭元夕樓堂卽事韻

燭花開向綺窗圓纔得聞聲意已憐  
香影繞屏全化霧春痕入夢總成煙  
閒情無際飄萍絮軟語輕調問歲年  
私縮同心私把臂到來離恨幾重天

題崇雅堂集呈胡書農敬姑丈

大雅有正聲流風遞相述仰茲鸞鳳音  
于焉邈儔匹夜窗展鏡讀盡還復憶  
春雲漾妙姿古鼎香染墨珠璣生咳  
唾仙花燦鏤筆千門與萬戶鱗列瓊  
瑤室鏘鏘聞環佩婀娜天人節一洗  
塵俗情詩心極超逸

早歲登翰苑占斷天下才中歲持使節  
玉尺親量裁頤園友石齋詩集

卷一

九

色養地孝思勝南陔大江流日月懷古  
登高臺謫仙豈真死頰仰有餘哀

西湖久相待還山理筇屐禮樂教諸生  
清泉環講席白雲供吐納登峰岸輕幘  
含飴有新樂哲嗣珣圃外兄新得男天助文章

伯吟詩追古人箸書耽載籍應知吳祭酒  
風流了不隔

有感

薄俗惟工媚嗤人亦自傷有誰憐骨相  
無夢羨侯王天意安庸碌吾生付混茫  
填膺慷慨志能事不能忘

晚步南湖次子菴韻

煙光併入水光凝暮靄蒼然護綠塍  
隔岸短垣先得月倚

松高閣忽明燈樹如佛髻擊孤影田學僧衣界幾層便欲  
擎舟消永夜竹枝吹徹有仙麈

頻伽丈寓西湖怡綠莊賦呈

經年不見先生面及見先生又暮春柳絮天涯正飄泊桃  
花上已照鮮新得親前輩緣非淺始識傳人古有真卻憶  
年時修尺素羈遲會未託雙鱗

客冬修緘呈先生因  
聞先生將至不果寄

西湖暢好此句留水漲長隄聚釣舟山爲詩翁青愈好人  
原仙骨世難修成陰萬綠當樓壓如雨飛紅惹客愁南北  
峰高接雲氣就中頑石似儂不

越垞伯父自於越歸後至海昌時掌教仰山桃源二

友石齋詩集

卷一

十一

書院

天目高無極青蒼一氣盤低崖護雷雨未上意先寒猿響  
巖居窄人閒禮數寬儒冠多習儉師教自相安

宋茗香

大樽

小像合子小茗屬題

人閒久已無天仙先生騎鶴來翩翩手持芙蓉向天笑巖  
洞豁闢生雲煙初登泰岱封禪臺挂冠日下歌歸來繼游  
天台歷華頂珠簾十丈銀河垂黃山之雲入足底山外有  
松松外水餐霞吸髓自年年有時還臥西湖吐生與酒爲  
鄰不與俗子親長歌擊石極磊落眼空四海今無人評詩  
不數魏晉後笑指靈均是吾友仙心獨抱孕靈珠萬灌精

金莫邪吼平生千首工吟謳手刪寸毫無多留太白已往  
此其繼騷人逸韻餘風流披圖秋在梧桐樹知是先生讀  
書處詩情髣髴到塘西乙未亭邊有餘慕

林林卽事用玉谿生鏡檻韻

豔日聞嬌曲輕車傍晚過綠樵飛彩鳳紺袖舞銀鷺笑引  
纏絲緒春遲宛轉歌寶香焚睡鴨玉字試新螺舊作陳王  
賦重窺織女河金桃憐爾瘦檀杏惱僂多弱柳禁飄惹名  
花怕折磨營巢棲並燕多病損雙蛾錦瑟傳心密金環約  
指鉞夢來疑化蝶道遠話乘馳淺語句人醉微風扇夕和  
村應尋越絕山自占纖阿小楊安明鏡芳襟胃薄羅簾晶  
友石齋詩集 卷一 三

卷一

三

鉤顛影觴羽酒生波褥展濃如黛褰拖碧似荷別來愁見  
月依約想瑤珂

西湖秋柳和歸安金翰樓

六橋衰柳易淒迷瑟瑟臨風舞漸低但有秋情垂玉露已  
無春夢縮金隄南屏鴉影閒逾瘦西子眉痕淡不齊殘月

曉風多少恨屯田樂府試新題

枝枝冷浸碧湖煙張緒風流不似前閨女纏絲猶有夢才  
人寥落倍相憐水仙祠靜舟誰繫蘇小車回態失妍記得  
冷紅樓外路鷓鴣聲裏暮春天

漫從南宋話興亡冷眼年年換夕陽飛絮竟忘隄上影臨

波忽染鏡中霜摩娑短髮如人老管領濃情隔歲忙三竺  
嘒鶯莫回首青袍容易誤蕭郎

秋士悲秋自古同每因彫謝感來鴻條長幸未逢攀客序  
替還應怨化工畫處遠看連北郭生來弱不耐西風孤山  
梅與雲林桂一樣湖山點綴中

遊崇福寺

寺在大雄山國朝  
玉琳國師卓錫處

一徑落黃葉秋光滿寺門泉根埋石罅松影亂霜痕鐘動  
潛魚聽巖深老佛尊獨孤祇樹雨曾沐翠華恩

冬日偕吳江張春水

澹

趙二芷香伯子小垞同飲湖

上用子萊南湖步月韻

友石齋詩集

卷一

三

淡雲一角斜陽凝幾株衰柳環寒肱霜高紅露塔邊樹暮  
歸綠映湖中銜危樓放眼憑百尺奇崖訪古搜千層浩歌  
欲令四山響南屏鐘杵聲聲磨

送子萊入都

隱侯俊逸人顧影誇殊倫黃金絡騏驥蹀躞開風塵秋桂  
一枝折遂踏長安春坐見薦明堂璜琥爲國珍丹鳳志萬  
里振翮當芳辰臨歧勸加飯重此千秋身

四言詩題滋伯花神贊後

井序

王子梅盒繪古今女士二十四以爲花神取其與  
花信相符也魏子滋伯分繫以贊余讀而豔之因

書其後

彩雲在天忽墮君口泉香成陣忽出君手心開意蕊筆凝  
古春花光鬢影豔致超塵花卽人魂人原花骨名花傾國  
兩兩相說佩月爲璫穿露爲珠如聞笑語神來座隅綠窗  
晝永繡閣春妍花不人妒人亦花憐東皇有幸識面先喜  
封姨能柔入懷更美才士之文如鏡寫容揚州橋畔司空  
品中

友石齋詩集

卷一

三

友石齋詩集卷一

男驂麟雲麟孫爾夔爾伊爾羲恭校

友石齋詩集卷二

仁和高錫恩古民

夢遊崑崙歌

暮秋之望子隱几臥夢一神瓊冠霓裳導至一山  
其山疊石如鏡側有小谿山巔露樓臺影若聞奏  
樂聲神人謂予曰此崑崙也遂寤因憶唐許渾曾  
夢至此山以許飛瓊句爲仙所責予未入仙室不  
知仙子名錄他日或冀如渾得再遊焉未知神人  
許乞靈否爰歌以紀之并乞好我者同作云

我聞崑崙山乃在八海之間赤水之浦斷鼇立極萬萬古  
友石齋詩集 卷二 一

撐拓乾坤此中柱平生好遊兼好奇欲往從之路修阻秋  
風吹夢入層漢長劒虹騰倚天半瞥見高峰迎面青怪石  
如星影淩亂伊神人兮招我遊瓊冠玉佩風颼颼乘空條  
忽渡谿水滿山盡作紅霞流霞光迷路峰無影路轉峰回  
別一境夾道琪花放不休萬莖朱草神光炯闔風巔懸圃  
臺層城九重門未開髣髴入明鏡淨埽無纖埃龍吟於水  
鸞嘯於空琅玕戛竹琬珀凝松上有流精之闕瓊華之宮  
丹房紫翠綺牖玲瓏雲旂簇簇羽葆童童只疑便是西王  
母羣仙環侍居當中花容綽約盡天女飛瓊未識難相逢  
仙曲三星仙樂初畢泠泠兮在耳徘徊兮未息醒來勝景

變須臾惟見倦僕倚屏而僵立我才敢詡丁卯如蹤跡乃  
亦留仙都仙人寶籙祕不洩恐我輕口凡閒呼不知神人  
已安往他日再遊許我無赤松東郭如可訪還乞神人借  
我廳輪車

乞戴君醕土熙爲前夢繪圖

乞君天外筆寫我夢中山欲識眞仙境應於妙墨閒峰巒  
誇突兀雲氣想蕭閒預埽高堂壁神邱壯擬攀杜詩壯哉崑崙方壺

圖挂君高堂之素壁

美女六首

美女各相妒處眾容爭先背人理明鏡亦羨同儕妍

友石齋詩集

卷二

二

絕色豈凡豔非關衣飾都天人有天骨原不在明珠  
積毀能銷美情疏貌可羞繡帷居嫫母西子迴含愁  
稱體論長短量衣辨瘦肥玉環與飛燕都不是全姿  
彼美能兼俠黃金稱斗量春花作容貌古雪是肝腸  
半面妝逾好春風背寫波傾城惟一遇不在見時多

疏煩圖桐城蘇子欽

惇元

屬題

圖取孫興公疏煩想於心胸句

人生不能騎鯨滄海萬里流卽當濯足靈谿弄清泚靈谿  
雙水如游龍幻出雲霞朝夕洗雲霞中挂珍珠簾懸空瀑  
走隨飛煙飛煙變滅不可測青山白氣長周旋青山兀立  
自終古白氣蒼茫落飛雨天際銀河忽下傾濺雪飄花四

時舞廬山不數徐凝才況敢放筆題天台碧峰自碧洗不  
淡匹練疑取鮫宮回層巖鎖兮亂雲擁千山萬山合流眾  
世上浮名總不知惟有仙心明月共赤城挺特瓊臺奇興  
公賦裏長相思今君讀賦更歷境曠然不覺心神怡我生  
局促困塵壤胸有奇泉空泱漭安得從君入畫賞石梁谿  
畔歌長往踏徧東南四萬八千丈

子欽屬題富春放櫂圖

劔南山一角擲向富春江天偈峰常鎖湖平石未降吳娃  
能媚客烏榜自浮艘欲薦先生酒荒臺有釣砭

漫成

友石齋詩集

卷二

三

亦仙亦佛亦英雄忽向塵埃墮我躬畢竟此生何處著難  
將畫壁問蒼穹

詠遼史樂府

合流水

遼初有男子乘白馬浮土河而下一婦人駕灰  
色牛浮黃河而下遇於木葉山感合流之水而  
配偶卽奇首可汗也

木葉山下水合流男乘白馬女灰牛水尙有情人匪石情  
絲一補天無愁白帝璇宮中夜降窮桑鼓瑟皇娥唱天生  
神聖事殊常異迹空留後人訪

三首歌

遼初有三主一日迺呵特一靺鞨國有大事刑  
牲祭之始變人形視事一日喞呵戴野豕頭披  
豕皮有事則出已卽隱入一日晝里昏呵養羊  
二十頭日食十九明日復滿廿頭事皆怪誕  
穹廬夜半靺鞨起牲血初刑未終祀豕冠豕服隱復見爾  
羊何來儻主此遼人髣髴上古民當時同樂三皇春

鹽池會

太祖阿保機告諸部曰我有鹽池爾食其利不  
犒其主可乎於是諸部以牛酒來會鹽池上酒

友石齋詩集

卷二

四

酣伏發盡殲之太祖遂自立

鹽池會諸部犒酒半酣刀光照盡殲其魁眾不諱遂併八  
部爲一家鹽池之利利無極從此煮海俾中華

飼蛇客

盧文進背晉投遼窺中原文進使之更教以織  
紆工作遼益富強遼封文進盧龍節度使文進  
後背遼歸唐旣復投南唐嘗有大蛇至座旁引  
首及膝文進取食飼之遂自負輒反復南北云

飼蛇客女已適

文進有女李存矩強納爲側室  
文進不悅乘軍亂殺之降遼 負晉王歸

遼邦晚復叛投南唐遼邦得爾用爾計封爾盧龍鎮幽蓟

胡爲反復不顧義咄爾蛇心不可制

偉男子

耶律曷魯少與太祖游太祖會克用於雲州曷魯侍克用壯之間偉男子爲誰太祖應以吾族曷魯嘗自比吳漢以光武比太祖及死太祖流涕曰斯人若登三五載吾謀蔑不濟矣

偉男子漢吳漢事光武謨猷贊獨眼龍自雲州來偉男子

者爲誰哉遼業未成男子逝於越峪前常隕涕

曷魯葬於越峪

白鶴夢

韓延徽使遼不拜太祖怒拘之後與語大悅命

友石齋詩集

卷二

五

參政事久之思鄉亡歸太祖夢白鶴自帳出後

延徽與王緘有隙語人曰遼失我如喪手目遂

復歸遼太祖夢白鶴重入帳中因以中外政務

悉令裁決位冠諸臣上云

仙禽翩翩隨蜨影宮帷夜永君初醒仙禽兩翅不穩穩遠道思鄉歸計猛昨聘旣不拜今去還復來待之如手目相得無嫌猜無嫌猜政乃治乘軒不共衛人譏序壓駕班稱厥位

射龍歌

太祖晨起西樓見黑龍長十餘丈引弓射之天

矯而逝墜黃龍府之西相去千五百里或云此  
滅渤海之兆

黑龍晨向西樓舞響戛弓弦箭初吐騰空鱗鬣去何之千  
五百里黃龍府樓內一龍視樓外一龍死樓內龍將飛上  
天樓外龍應似蛇耳

兩相圖

耶律轄底誘刺葛等爲亂太祖獲之問曰朕初  
讓國叔父辭之今欲立吾弟何也轄底曰臣始  
不知天子貴今始知之陛下英武不可取諸弟  
弱得則易圖太祖顧諸弟曰汝輩若何迭刺曰

友石齋詩集

卷二

六

謀大事須用如此人事成亦必去之耳

兩相圖賊之私平生不識天子貴乃誘諸弟先爲之諸弟  
與爾計如一作賊從來心險仄同謀畢竟歸同斃笑爾賊  
愚賊非智

朝定兒

唐莊宗爲亂兵所害唐坤來告太祖慟哭曰我  
朝定兒也

朝定猶華  
言朋友

吾以渤海未下不果往救

致兒及此聞吾兒專好聲色遊畋我自聞之舉  
家不飲酒散伶人縱鷹犬若效兒所爲行自亡  
矣

朝定兒李亞子乃翁遺爾有三矢一矢尙存身已死宮中  
花鼓寂無語渴飲酪漿柰何許絳霄殿前烈燄浮白骨乃  
向寒灰收我鑿兒亡先自警若效兒爲亡亦等

泛海行

東丹王倍喜書藏萬卷於醫巫閭絕頂之望海  
堂知太祖屬意太宗遂讓以位後太宗陰伺之  
倍不自安賦詩曰小山壓大山大山全無力羞  
見故鄉人從此投外國遂奔唐唐以爲節度使  
賜姓名李贊華及太宗助晉倍爲唐主從珂所  
殺晉送其喪歸國太宗葬之醫巫閭山置影殿

友石齋詩集

卷二

七

焉

大山力怯小山偪巨海風濤一帆黑醫巫閭山凍不青堂  
前萬卷書爲屏故鄉旣羞見他鄉聊自戀他鄉久戀致殺  
身影堂千載猶傷神不若夷齊讓位居海濱采薇餓死能  
成仁

石郎夢

太宗晝寢夢一神人花冠美姿容謂曰石郎使  
人來喚汝驚而覺未淡旬石敬瑭表求援兵兵  
遂發後趙德鈞求爲帝太宗指帳前石曰吾已  
許石郎此石爛可改矣

花冠神人夜深語夢覺石郎來喚汝石郎作帥鎮河東龍  
入層淵起雷雨千秋宴罷交相讎請兵許割十六州十六  
州郎不惜父皇帝賜郎冊爾郎來視帳前石

蘇君子欽寓海會寺立春日子與曹村過寓遂借游

雲居瑞石諸山時子欽將之衢州賦以贈別

蘇君家住龍眠山山中谿石何清妍平生託志在靈境足  
底歷歷生雲煙竭來偶弄之江水日夜濤聲喧兩耳古寺  
居鄰伍相祠白馬英風颯然起曹子與我皆不羈逢君恰  
向江之湄豪吟痛飲答時序春風邀人同娛嬉城南諸山  
盡奇特洞穴裕訝古時闢絕壁芙蓉刺眼青支離怪石從

友石齋詩集

卷二

八

空擲王孫去吟梅花留令威舊宅餘山陬隔江山色自娟  
好黛影齊向襟前收邀游尙恨日不足天外斜陽忽西落  
君今更欲往衢州翌日長江去帆綠繫榜遙知婺女城栢  
谿水色比江清龜峰絕頂臨東望應念胥江話別情

猶作題題山中錄云何謂平坐指志云靈巖

青山埋白骨白骨復爲土積此萬古魂沈憂不得語女媧  
乃嬉戲搏土復作人散在六合閒濛濛若沙塵居士還食  
土藉土卷其身所以宇宙內無非吾宗親

人曾 陬月盡日大雪孤山探梅徘徊竟日雲泉曹村滋伯

小垞同游

前年看雪登湖樓水天漠漠雲浮孤山徑斷不得上巖  
壑靜鎖林泉幽今年踏雪入山曲四面層崖白龍逐一雙  
亭子小閣西三百梅花展清馥梅花遇閨萼吐遲縞衣仙  
人含素姿花光入雪雪逾媚雪影弄花花不知眾花向我  
笑春風替花導天公憐爾看花心特賜瓊英助清眺試收  
枝上雪旋烹花下茶寒香入口勝碧露便疑心肺皆雲霞  
長揖林仙人高歌一曲新尊既薦肴亦陳仙心不死吹古  
春詩骨鬱作梅樹根梅花樹樹招詩魂閣外雲欲墮玉山  
暮煙裏清游如此莫思歸昏黃嚼雪梅邊坐

乘雪行至西泠橋蘇小墓酌酒吹笛而返

蘇小墓或謂在嘉興

友石齋詩集

卷二

九

或謂在錢塘官廨後又謂西陵乃錢塘江之西然  
臨安志武林舊事俱載墓在湖上游覽志載西泠  
一名西陵前人題詠湖墓者亦屢矣西  
泠煙月古豔長存水仙有知定當首肯

笛聲吹徹西泠路滕六飛花點瓊樹橋邊隱約見芳魂羅  
襪凌波一鈎素妾本錢塘故妓家南齊風貌擅清華門前  
幾樹垂楊柳只繫青驄不綰鴉青驄日日門前止油壁車  
輕塵不起結就同心且待郎西陵松柏煙如水閒來聽罷  
伍員潮更向明湖泛畫橈波染衫痕峰挹翠春花秋月向  
人嬌朝朝暮暮黃金擲盛年一去容堪惜遺跡流傳幾處  
墳六朝佳麗無顏色我識芳魂夜半歸湖光如夢是耶非  
向人柳色還依舊添得雙隄學畫眉莫卮小立臨風影滿

地瑤華如月冷姑射仙人或可招寒梅一樹明妝靚

送家子循蘭之滇

瘴雨蠻煙萬里行送君壯思逐飛旌天圍洱海蛟涎闊地  
涌滇山鳥道橫黑夜籌深愁入夢清時苗格不談兵簪花  
騎象多新意來聽獐人擊鼓聲

天低南詔星辰大

馮時可滇南記事云滇中  
天低視日月星辰較大

終歲花開十

二時諸葛威猶傳古陣伏波功早建叢祠地奇要有驚人  
句客遠能添故土思好拂點蒼山下石筆紛披處墨痕垂

再送子循

前詩錄去子循猶未行也翌日同人祖餞各贈以

友石齋詩集卷二

十

詩咸謂滇景奇險要予復作爰再呈此以博一粲

盤江江高一千尺中畫滇黔萬山關黔山峻削已插天仰  
望滇山天外碧箐路一綫猿猴愁颺颺日落恣遨游怪峰  
刺影亂圍客瘴霧冷挾河谿流知君豪氣山難阻馬蹏直  
向雲中舉木客吹鐙欲攫人狇烏啁啾如解語纔過義象  
冢復歷嵩明灘風腥夜半聞虎嘯樹古曉起看蛇蟠板橋  
西去更幾里石梁空空響足底五華金馬策杖登吸盡滇  
池作杯水君行定上中岳巔蒙氏以點  
蒼爲中岳羣龍千百齊蜿蜒  
檳榔書妙訪古寺寫韻樓靜思前賢三十八庵最幽曲天  
風海濤震林木佛光隱隱罩琉璃八萬四千塔尖矗惜哉

此景居天南我欲徧覽何由採伊吾空有紙上句蠻音不  
辨心懷慙君才磊落過郝隆方言豈僅媿隅通喻糜萬斗  
傾洱海豪端古雪揮玲瓏持豪君向窮邊走馬尾銀釵看  
猺婦到日君如和我詩定有猺人來進酒

論詩有感作三絕句

別才妙悟本從天謂不關書語太偏遂使庸奴成誤解俳  
優轉欲誇前賢

由來才學兩相須化境還求妙筆扶學得雲龍通隱見江  
河萬頃護明珠

有客伊吾嚙語多自誇天籟響雲和豈知只是啁啾鳥那

友石齋詩集

卷二

十一

識青鸞海上歌

結交歎

結交莫結輕薄兒面雖相是心相非結交須結義俠客寸  
心相許裂金石金石做有時寸心永不移吁嗟哉但逢虎  
莫逢鼠

同人夜話小垞蘭笑軒

幽蘭一笑吐香新茗椀圖書鎮日親秋氣在騷曾作佩幽  
香入筆更無鄰煙霞僧舍懷前日朋舊天涯念遠人

香雪  
子菜

諸君更欲推窗看月影碧天如水不知春

飲湖上

四山圍綠影成水萬樹搖青葉化煙來向湖頭拌一醉閒  
雲無數墮尊前

野行見桃花

桃花如美人隔岸睇余笑下有美人墳紅顏兩相照春情  
既蕩漾春姿亦娟妙東風悄語人施朱要年少

放舟西谿

眾綠擁孤櫂一水依山流羣峰交掩映林際禽鳴柔碧雲  
墮幾片蕩漾隨我舟谿花欲傍客狼藉蒼煙收乍明忽復  
暗倍覺前山幽野花弄白日短草圍輕鷗行行欲何止入  
耳梵音留因吟詩老詩謂樊榭山人池竹風颼颼更尋劫後寺  
友石齋詩集卷二  
三  
秋雪庵燬於火當春儵如秋蘆根沒淺渚皎鶴明芳洲微雨颯然  
至亂石苔香浮探尋不知暮意愜推茲游

讀煬帝本紀書後

生不學秦皇帝泛海求蓬萊但增長城白骨埋荒苔亦不  
及漢天子講武之雄才卻誇呼韓頓顙屠耆來當年令下  
騷邊土軍士哀哀淚如雨西苑清游興乍闌更向揚州樂  
歌舞春風舉國裁宮綺殿脚飄搖行不已可憐三百萬民  
夫血化邦溝一條水螢光入夜飛青霞美人顏色嬌如花  
明螺千斛描翠黛迷樓久住渾忘家鏡中好頸知誰斷民  
不欲多多乃亂干戈四野日紛紛且自沈酣當夜半吁嗟

平平陳業在忍輕棄詎有才人堪作帝淫虐不數齊東昏  
亡國竟如秦二世一壺鳩酒長相隨李花欲吐楊花飛傷  
哉至死不能白阿孩阿慶心相疑後庭花曲聆夢中地下  
見晒長城公蕪城一掬餘焦土髣髴驪山劫火紅

紀災樂府和曹村

金纏臂

金纏臂閨中裝偕夫居閨里生不識他邦昨秋潦沒廬田  
荒鼻鬣餓死途相望夫已死翁更老攜翁挈子就遠道翁  
老行不前子幼倍可憐天寒彳亍野水邊日暮無地尋炊  
煙纏臂可脫誰易錢

友石齋詩集

卷二

七

捕野鴨

野鴨野鴨羣飛喋唳爾不眠錦浪戲春蒲啄我垂實之稻  
胡爲乎水田荒荒稻半死野鴨蔽天飛不止農人捕鴨不  
可得如彼蝗蟲生有翼吁嗟哉恨不見烏耘田鴉種麥

木棉子

木棉子天生爾爲衣花開暖始覺花落寒早知天風蕭蕭  
晚來急和雨和煙卷泥溼飢民拾之當朝餐今冬何以禦  
我寒

質鉏犁

嗟鉏犁爾辛苦伴我汗滴禾下土人非爾何以生年年飽

我賴爾耕今質爾傷我情手把鋤犁餓三日負爾出門淚  
沾臆人皆耳聞人皆耳聞此詩乾柴貴此詩人生日費米與薪米珠薪桂曷以存吾身乾柴一擔錢八  
百帶葉燒餘燄無赤山力欲竭樵夫哀荆榛并少狐狸埋  
持斤入谷落日暗枯枝拾取空歸來此詩

江南浙江咸水荒此詩

天子賜賑官給糧川楚米艘江上至截向江南備窮匱市

賈昨向大府愬市中米只三日度開倉陳米亦已空浙人

友石齋詩集

卷二

古

餓死知命窮此詩米只三日度開倉陳米亦已空浙人

田家好風景四月插秧初短稻碧連水斜陽紅到闔農歌

帶煙唱樹色隔陸疏我欲攜經至相將共荷鋤

白雲肩際重餉饒有人來嵐影依田出谿光及暮回疏籬

低遠岸好鳥喚新醅合作桃源住移情作記才

蜀山萬點盤空起鳥道連絲去天咫巴猿唱徹子規嘯三

峽流泉入君耳瞿塘地底爭喧豕孤舟破險何危哉雷霆

萬斧向空劈蛟龍兩岸撐牙腮君身獨向篷窗坐掩卷吟

成且高臥榜師解纜鼓齊鳴利石如刀刺船破吁嗟古稱  
蜀道難五丁開藉神工剏時清且喜無設堠客路尙自愁  
千盤君詩已入杜陵室鏤闢蠶叢一枝筆讀罷神張我亦  
奇錦江遙望來春色

西湖競渡詞

雲旂獵獵動湖光畫鷁乘風鏡裏翔疑是靈均此曾躍至  
今人祀水仙王

隄上游人似蟻來隄邊簫鼓逐船開儂舟昨向臬亭泊今  
日來看第二回

雙峰深鎖翠屏低霞綵中流漾不齊無限湘蘭沅芷意六

友石齋詩集

卷二

五

橋芳草共悽迷

三閭遺跡楚人思終古騷音在竹枝只有吳兒倍銜怨別  
歌小海弔鴟夷

阿誰斜倚木蘭橈掩映湖光上翠翹要看爭標好身手故  
將繡鈿隔船拋

吳儂踏浪慣平生不怕蛟龍水上橫細綰綵絲投角黍汨  
羅可似聖湖清

黃衫年少逞風流飄蕩歌聲浪裏浮忘卻楚臣哀怨意水  
嬉歲歲祇閒游

直疑西子卽湘靈擊汰揚旌泛楚船一樣忠魂在天地騷

音合與岳王聽

且作騷詩繼九歌日斜舟散更如何才人無命應同泣好  
芙蓉裳當釣蓑

游紫雲洞

紫雲峰頂飛谿衍敞巖洞仙人中夜降玉露瀉石縫松陰  
一徑積嵐氣襲衣重我來恰日午日色儵含凍盤旋學行  
蟻絕險如入甕綠意浸毛髮足滑不敢縱佛母灑法乳石  
壁滴餘渾山僧響木魚一飯邀余共

東冷寺樓寫望

長天壓雲雲壓水蓬背煙光墮蓬底虹輝倒射日輪明霞  
友石齋詩集

卷二

七

彩濃薰暮山紫碧隄迴合映小橋漁舟斜掠隨鷗飄萬株  
楊柳綠腰舞一區明鏡花枝招須與煙嵐遞變滅幻出雲  
峰倍奇絕四山涼翠撲樓飛幾處歸鴉向林歇吳山低與  
几案平人家萬瓦魚鱗橫綠陰似水暝城郭紅闌干外猶  
簫聲我聞此樓最宜夜水月星光相激射惜我恩恩已欲  
歸姮娥且待重遊逐

題鍾進士騎牛圖

鍾進士爾何來爾旣趨終南之捷徑胡不高車駟馬直上  
長安街胡爲心胸壘塊形貌突兀跨烏犍而徘徊或云進  
士生前不得志死後徜徉聊快意陰山月黑風颼颼進士

騎牛夜出遊眾醜潛藏萬怪避惟餘一鬼長嘯聲啾啾便  
呼此鬼作牛僕三丈長繩思手握牛睛閃閃牛角鬚鬼背  
偃僂鬼髮綠吁嗟乎牛性拙鬼性狡進士制之亦有道人  
閒白晝鬼橫行行尸走肉相喧爭可憐狡拙兩難辨應牛  
應馬非真情我作牛鬼詩詩成進士喜君不見函谷青牛  
負老聃與爾分途統仙鬼

贈秦順董丈霞樵游二首

並世論騷士如君孰與儔雲山恣游歷天地怯雕鏤語重  
心逾細才雄骨更遒一編師杜老已足占千秋

衡岳三年客鄉山倍繫思夢歸雲石窟卷集楚吳詩鶴影  
友石齋詩集卷二 七

長天闊龍吟短笛吹尊前此相見何事又臨歧

時君將之吳門

同人盧舍庵納涼作

纔看荷花繞郭開又尋禪室足徘徊樓前老樹拏雲入簾  
外鳴蟬噪雨來殘暑墮湖看沸水斷霞擁塔欲成臺清談  
未許徐陵至呼吸山光任舉杯

葦江上人招集仙林寺古銀杏樹下看月

秋光淡微雲河漢冷逾淨秋心不可寫明月入禪定樹隙  
逗餘輝交枝影不正玲瓏冒輕煙圓靈漾明鏡恍疑住深  
山清絕玉壺映詩情付涼夢醉語見佛性牆角起秋聲冷  
然答清磬

人有壻子胥西施合像者爲題一絕

屬鏤一賜霸圖空無復蓮舟唱晚風畢竟吳亡不歸越美人原似大丈夫忠

送董丈霞樵之甬江

秋光滿林際君又挂帆行在路應三宿看山到四明  
島船江口集海樹浪痕平訪古游東越奇詩定早成

秋日宿雲林賦贈語上上人

語公住山三十載枯松怪石皆知音流泉自發靜中響落  
葉更助秋來吟老猿侍榻習梵字好鳥隔林窺道心我欲  
從師參半偈洞口白雲深復深

友石齋詩集

卷二

七

發補韜光

發補韜光

發補韜光

發補韜光

日色忽成綠竹光浮在空飛泉隨曲磴絕徑與雲通筠篔  
斷還續暝煙寒更籠老僧如古佛習靜萬山中  
湖影閣前見江流山外來潮音答梵語仙竈冷丹臺羽鶴  
凌晨舞金蓮入夜開禪心本無住初地暫徘徊

偕曹村芷香滋伯登北高峰頂觀日出

我昨手持九節筇直登鷲嶺之高峰是時林月尙未墜竹  
露交滴青濛濛迴旋千級纜到上怪樹槎枒屹相向想見  
盤陀影未明扶桑尙阻天雞唱少焉矐動天門開蛟宮海  
藏聲如雷燭龍遁避不敢鬪白虹萬道從東來流霞變幻

儵青紫頰蚪碧鳳空中起錢江五色燦玻璃陽輪一躍羣  
陰死我居絕頂得光明下界昏昏夢未醒金烏射彩入巖  
隙三竺始響鐘魚聲我未登秦岱又未登羅浮臥牛車蓋  
狀空異子曰奇觀將安求湖邊放眼亦自得義馭翻愁駒  
過隙生不能學傳說乘雲繞日爲阿衡終當鍊日餐華作  
東海之仙客

素生弟新築小室顏曰風雨一篷招同人小飲香雪  
有詩卽席次韻

黃花邀客坐題詩來共持整盞一卮聽雨暗疑秋水漲推  
篷忽動野鷗思閒窗習靜應須福好友相逢怕說離牆角  
友石齋詩集 卷二 九

竹竿何嫋嫋此君清不畏人知

閨重九同人吳山登高分得初字

澄江天闊雁飛餘有客登高不似初烏帽又增霜髮短黃  
花仍向酒杯舒寒濤帶雨隨秋去落葉迎風著樹疏猶賸  
前番遺韻在重題饒字未應虛

伯子小垞招集新居可園展閨重陽看菊分得七古  
名園瑟瑟合秋光主人延客來高堂曲闌奇石妙位置一  
亭如鶴居中央打頭蕭蕭下木葉冷意拂拂飄寒霜入亭  
眾客自環坐玻璃窗啟東西廂古池圓淨拭明鏡野竹青  
蔥圍短牆圖書壓架滿四壁綠文赤字垂琳琅小閣似聞

琴筑響迴廊忽有杪樾香亭中菊花正展笑銅瓶瓦缶羅  
成行或如幽傷憔悴士或爲靜穆姣好妝或因繁枝誇極  
盛或以小朵揚清芳山人頗思製作枕楚人自合餐爲糧  
對花設席做筵宴肴核雜進傳壺觴豪談雅諱競蠶起爭  
數僻典搜枯腸書生結習自爾爾脫略苛禮咸清狂好花  
一朵飲一爵酒龍吸海何披猖少焉離立各散步如鷺傍  
谿鳳集岡竹林六逸差可擬是日集者六人花天月地真詩場或  
穿石洞入深窈或臨流水誇滄浪或彈長鈇歌猛士或吹  
鐵笛思仙鄉聯吟不知白日暮齒牙咀嚼含宮商華鐙照  
耀奪明月姮娥避面雲中藏疏星錯落林際逗夜珠閃爍

友石齋詩集

卷二

十

蛟宮翔燈輝花氣相掩映幽人此福真無量古來名園數  
金谷嗟彼俗物徒矜張地佳要得真才士吾兄居此非尋  
常轉憶全家初戾止辰良日吉逢重陽迄今蟾魄圓兩度  
秋情雖老猶堪望況復是月無中氣傳疑眞臘流風長眞臘  
國閩以九月吳山登高已旬日七人同佩茱萸囊茲會更喜集  
羣彥屢題饒字驚劉郎參軍帽落應幾遇處士酒熟教頻  
嘗人生不易開口笑天使此願今年償挽回佳節誠韻事  
展三展九誇李唐創行展閩自我輩後來好事應難忘酒  
闌坐久吐奇氣文星下照垂光芒諸公詩成刻園石便抵

作賦傳滕王

題香雪島上吟卷後卽送重赴廈門

王君自是詩中豪身經大海之波濤胸有驪龍珠萬斛天  
吳懾服不敢驕竭從島上回示我詩一卷星嶼浮沈樹影  
寒蜃氣青紅鐙下見讀之卷未終恍如置我於鮫宮君身  
定是孔巢父釣竿飄拂珊瑚紅不然定是李謫仙騎鯨汗  
漫遊無蹤我欲尋之何處逢東近扶桑看日出海天齊作  
黃金色巨魚埽尾浪如山雪齶銀牙嚙人骨我僅讀詩心  
怦怦君乃扁舟來往了不驚想當詩句發光怪海底定有  
神鼉迎只愁句重鼉亦恐石破天驚海波動勸君稍稍斂  
光華莫使庸流盡神悚君今又逐征帆飛江頭話別情依  
友石齋詩集 卷二

三

依閩地千山萬山路鄉夢還從江際歸

香雪旬日後始行再贈一律

歷徧東南數十州今君轉客海西頭故鄉情重難爲別遲  
日帆開已過秋蚌母吐珠成異彩鮫人踏浪助豪游蒼茫  
天水渾無極合有閒鷗島上留

以佛手酒丹橘饌俞子少卿少卿用坡公洞庭春色

韻作詩次韻答之

如來會兜率妙展散花手舉瓢挹天河釀此三昧酒我醉  
夢須彌足擁青蓮走乞歸般若湯奉爲吾友壽佐以黃金  
丸精墮自星牖甘美旣解醒芬芳更堪嗅楚客忽陶然金

盤僂玉斗詩懷杜老舟愁遣拾得帚兜羅本滑柔雕飾謝  
昏黝臭味兩可悅定有鼻如口

少卿又疊前韻見寄因再和之

淺浦初墮霜深林忽入手越人旣愛橋禪心乃託酒封侯  
江陵榮從事青州走我思糟邱寬中有無量壽況此頽蚪  
卵鼻鼻堆綺牖酡顏映倍紅芳情酣可鯤茲來詠雙美高  
歌動珠斗瓶疑盛露盤葉帶垂雲帚纖手剗香醉眼鐙  
照黝和詩相往復庶不負此口

再疊前韻寄少卿

良友如一體相須左右手讀書共探奇至味得元酒隔郭  
友石齋詩集

卷二

五

路匪遙朝夕家僮走名山悄語人鑄此千秋壽君如照海  
日大敞光明牖我如登俎魚色餒不須鯢邇來更瓠落才  
乏敢論斗漫云享千金故業無敵帚君眞西子姣我愧無  
鹽黝期君倘過我一逞談天口

雪後至湖上再疊前韻

乍停織女梭旣罷滕六手仙境合有仙酒人且飲酒平湖  
玉匳開環岸銀蚪走巖巒盡白頭笑說青山壽樓臺如粉  
繪一抹淨珠牖堅看冰筋懸冷嚼梅花鼻天公好嬉戲瓊  
糜傾萬斗琪花徧蓬壘藉鸞尾帚骨寒神逾清日夕色  
不黝杖藜過六橋一鶴語谿口

鄔君雪舫至自山陰作湖上之游率賦奉贈

千巖萬壑競奇異定有奇人此中萃  
潁川詞伯天下才眼界擴空無一世  
我昔曾乘山陰舟蘭亭曲水同遨遊  
日斜更泛鏡湖浪狂歌痛飲驚潛虬  
別來三年不一面髣髴還從夢中見  
君迹難求淮上雲我心空寄天邊雁  
寒冬景寂寥君渡之江湖故人得相見  
狂喜神爲豪愛君讀君卷中句往往奇  
情天外駐秦望峰高燦墨花三江水  
漲揮豪素西子一笑顏爲開七載不見  
詩人來君不至湖上有七年矣詩人重  
踏湖畔路山光雲影齊徘徊林家老梅  
春未醒寂臥逋仙墓門冷期遲半月再  
來看領略花光照尊影

友石齋詩集

卷二

三

潛園鷺君石歌爲范吾山觀察作

秋風峭立寒潭影補天石墮媧皇醒  
相看疑躍更疑飛雲客風神同一整  
能言或有數聲傳習靜先看一峰挺  
玲瓏頗似公子慧瘦削還憐美女靚

鷺名菰塘女子見廣記

雲留不動帶

絲停苔襯無蹤高步冷求魚綠木漫  
相笑飛鳥呼羣時欲近應偕石燕共  
翱翔只有金烏猶記省頑心本合住  
山閒潔志翻教臨水永主人況是舊  
鸚班石交與爾情難盡茲園風雅得  
未墜賴有賢人相接引屬我題詩爲  
石歌弱羽雛穉不堪逞愧無雅曲奏  
朱鷺一使山精驚咳聲

鄔君雪舫將渡江歸期明歲仲春再踐湖上之盟爰

贈詩以堅之

寒冬風雪渡江來聚首眞看懷抱開作別又增三日感後  
游莫被百花催儘教狂態傳人口且吐奇情落酒杯天外  
飛仙留不住一蓬如鶴破煙回

雪霽同吳江張春水曹曹村伯子小垞登吳山復登

七寶山頂作

踏雪不上吳山巔辜負萬頃瓊瑤田登山若不偕吟侶勝  
大笑人太孤踽朋儕三五相招邀筍鞵破曉來登高連朝  
大雪今始霽青山閃爍疑長蛟登山不畏羽衣冷亂玉圍  
身一筇挺十萬人家白版封陽烏照耀光逾炯山如繪畫

友石齋詩集

卷二

五

炫奇彩日輝雪色兩爭美層冰傷午漸解凍大地神靈壓  
不死江光非白還非青斜拖匹練相迴縈寒潮不怒子胥  
臥龕赭夾峙疑晶屏於越諸山如皎鶴又如簾外懸珠絡  
髣髴天公白戰歸旌旒堆裏寒光爍平湖卻望眞玉杯西  
子縞袂來追陪瓊漿萬斛助豪飲銀河倒瀉斟新醅清游  
未已欲安適鐵笛狂吹破岑寂四山石凍雲不歸一市煙  
寒日將夕少焉瑟瑟來天風舉足踏碎玻璃重更登絕頂  
撫坎石七寶峰冷埋芙蓉流霞忽散幻奇景積雪燦若桃  
花紅聰明冰雪問誰稱茲游勝上峨眉峰

花朝日伯子小垞招陪馮吟樵師雅集卽次吟樵師

韻

百花含笑香爭放來助詩人席上吟一座賓朋狂引瓊十年師弟話分襟酒光凝碧明殘燭春色扶紅上遠林賴有簫聲吹雨歇鳳皇飛出白雲岑

楊君子堅

鑄

過訪并見惠所著自春堂集因仿其體

奉贈

大江浪涌煙浮空金焦突兀江之中詩人家住長江曲波濤入筆驅蛟龍蛟龍亂舞碧雲墜髣髴真仙下塵世臨江自闢石瓢館煜煜虹光起天際平生游迹耽靈竒探幽厯異世莫窺一枝瓊杖獨來往珊珊仙骨披霞衣匡廬瀑布

友石齋詩集

卷二

五

天台月九華雲生儵明滅羣仙聯袂笑相迎白鹿飄飄境奇絕前身定是謝靈運不然或是向子平山靈一一發光怪騷人琢句逾崢嶸我讀君詩快且愕如飲瓊漿游碧落水中明月躍千丸雪裏梅花飛萬萼開卷疑坐深山秋長松古木寒颼颼猿吟鶴唳鬼神走咳唾不許人閒留手把新詩讀不止傾倒雄才有如此青蓮已死孰替人瓊臺仙客今焉是

君自號瓊臺仙客

二月八日同人訪湯西崖故居贈家佩生

此是懷清宅荒來近百年玉堂留藻詠蠶尾有薪傳

西崖爲蠶

洋入室弟子

接葉亭同古

蔣心餘太史在京都有接葉亭雅集詩社云亭爲湯西崖別墅

看花

候正妍吾宗多雅士卜築繼前賢

家爽泉佩生喬梓所居卽西崖故宅

二月二十二日湖上作

桃花杏花參差開扁舟搖漾明湖隈游人如蟻集古寺狂  
客控鶴登高臺可憐春祇九十日安得飲盡三百杯柳絲  
無賴相句引還傍水仙祠下回

姚君鐵生以舊作秋夜風雨不寐詩見示因書其後

卽送還當湖

讀君風雨詩風雨來何速百怪刺我腸萬鬼矐我目吟詩  
破屋悽風酸飢鼠夜嘯狐嗥寒一盞燄冷綠黯黯缺月暝  
死難成團問君何有不平事數數雄情自激厲孤憤幾疑  
友石齋詩集卷二 美  
俠士同壯懷欲把干將試盲風怪雨吹波濤君於此時撫  
寶刀寶刀可貴有眞贗若不辨之心徒勞君今買舟歸鄉  
里放懷且弄當湖水期君閱歷更琢磨拭目 明廷舉奇  
士

書農丈足疾初愈

偶向東窗跂脚眠達人養性託林泉本來立地超塵世豈  
藉踟躕結淨緣芳躅定留千載後閒身宜踏萬峰巔花閒  
不用扶藤杖健骨春來已似仙

趙飛燕玉印歌

印藏龔氏定菴家文四字曰婕妤妾趙趙左作鳥

篆端木氏子彝決爲飛燕物考之漢書永始元年  
四月封婕妤趙氏父臨爲成陽侯六月丙寅立皇  
后趙氏則是印蓋飛燕未爲后時物也爰爲作歌

漢家玉璽崩一角老婦臨朝淚雙落豈知兆亂在當年燕  
燕飛來姿綽約玉顏昔日承恩奢紫泥小篆鮮如霞深情

豔迹此四字肯使泯滅歸塵沙妾身本出江都尉歌舞長

安偕阿妹一朝被寵入深宮夜夜君王自沈醉紫茸雲氣

流蘇帳綠琉璃隔晶屏望未並金螭虎紐尊

漢制后璽金螭虎紐

已超列嬪羣妃上君王與妾心相印白璧闌前對明鏡繡裙

小袖妹還來五采組文作符信一家姊妹眞嬋娟沈香豆

友石齋詩集

卷二

七

蕊傾溫泉中宮正位自永始珊瑚枕畔明珠圓香螺卮與

文犀簪玉玦金疆不知數想借此印並時藏百寶摩挲極

珍護閒來何物堪消夏桃印當門日凝緒更有端陽朱索

懸牙簾花光倍豔冶搖搖太液千人舟仙乎欲去誰爲留

夢餘射鳥憶前事歌成赤鳳傳新謳君王耽此溫柔鄉纍

纍之印環諸王忠臣檻折亦何益皇孫啄盡眞堪傷摩挲

此印長太息玉質玉顏應一色當日擊思纖手柔此時看

擬瓊肌皙銀鉤鳥篆工安排是姊是妹休疑猜

人有疑印是合德者

漫將元后石璽比合配郎官私印來

謂世所傳董賢玉印

我聞高帝

創業初刻印銷印無踟躕暮年亦復戀女子遂使人彘堪

嗟吁又聞武皇好方士王母來時捧靈璽求仙無效悔心  
生鉤弋恩恩賜環死豈知禍水非龍螭漢家火德於焉衰  
坐看剛卯製新莽難將倒印追前非流傳片玉猶完善回  
首西京夢痕短卯金八寶墜難尋此印千秋抵金盈

素生弟種杜鵑花於風雨一篷邀余賞之賦此

蜀道春深叫子規淚痕吹上此花枝小窗盡日憑闌坐疑  
是扁舟入峽時

趙忠毅公鐵如意歌爲何壽泉

咸宜作

丙戌冬何君於京師得初頤園尙書家所藏忠毅

公鐵如意上有銀鏤銘篆二十六字背有天啟元

友石齋詩集

卷二

七

年夏製六字下有五嶽真形圖五篆案忠毅公如

意傳世甚多瓊嬛仙館集中以頤園尙書所藏爲

壬申年製今此柄爲天啟元年乃辛酉非壬申也

長風何君徵余作歌

鐵光煜煜開芙蓉鐵聲錚錚驚盲聾惟公鍊心如鍊鐵一  
生鐵骨撐孤忠當年高邑來奇士不附江陵況委鬼四凶  
四害亟宜除論當人心快無比通政門開闔賊來正色數  
語摧姦回故人有子乃阿賊坐令老友心爲哀是時大柄  
已潛替公獨維持期救世英賢汲引入朝廷天心安得如  
公意天心所敗不可支黨人禍起清流危聚九州鐵竟鑄

錯昏昏闇主眞堪悲公之鑄此非尋常意欲速擊東厰璫  
我思此鐵亦大幸幸不鑄緹騎之銀鐙惟公大節如鐵勁

色正芒寒君子性挺秀堪誇世上英

水秀鐵見  
谿蠻叢笑

呈祥自合

人呼聖

眞臘國  
出聖鐵

雁門關外風沙多手持如意舞復歌篋中

殘月硯同寶蓋臣心事供摩挲吁嗟乎公不學韋虎行軍

執白角又不學賀監出游攜白竹偶資談柄舌蓮生恨少

姦臣血痕漉豈知箕尾歸天去鶴影翩然渺何處奄戮雖

看鐵券收人亡難保金甌固惟公寸鐵傳千秋鐵肝鐵膽

無與侔幾時更鑄眾姦像長跪公墓爲纍囚

公墓在高邑  
見畿輔通志

贈填詞陳可翁

洞珠

友石齋詩集

卷二

完

兒女恩讎大可哀夜窗風雨逼人來筆花怒挾不平氣傳

與人閒笑口開

君曾撰清白流芳傳  
奇子爲改名補天石

人生富貴本難期幻境迷離太覺癡未識黃梁炊熟後可

眞仙去不知飢

君新著眞是  
夢傳奇未畢

吳山對酒有懷雪舫淮上卻寄

我踏吳山頂思君淮海頭之江環帶影疑是見黃流

書農丈以詩見贈因次原韻

自愧彈琴難協律頻期獎借荷名賢忝誇策蹇王孫句敢

附騎鯨蜀國仙問字喜趨尊者側憐才竟過古人前九龍

山下松風急正待蘇公一試泉

時丈將有錫山之行東坡  
詩有來試人閒第二泉句

友石齋詩集卷二 男驂麟雲麟孫爾夔爾伊爾羲恭校

卷二

辛

書名		
版別	冊數 4	紙
定價	259	
編號	字第 214	号

北京市中國書店定價簽

